

***Awashime bezhig miniyang awiyag miziwe akiing gii-miinaawag
ashowizii-mashkiki gaawin dash gegoon izhi-maanamanji'osiiwag.***



***”Ni-minwendaan e-gii-
odaapinamaan ashowizii-mashki-
ki. Nina-ndawenimaag gakina an-
ishinaabeg iwe ji-doodamowaad.”***

Anna Metatawabin, 86 daso-biboone, gin-
wesh ganawenimaa, Biiwaanag ishkonigan-
ing onjii, gii-miinaa ashowizii-mashkiki.

Mazinaakizon gaye gaa-gii-ikidod:
www.waha.ca/covid-19/vaccine

Ishkwaa-miinigooyin ashowizii-mashkiki

**Inamanji'owin ishkwa-miinigooyin
ashowizii-mashkiki**

Niibiwa awiyag gaawin gegoon odinsh-
kaagosiinaawaa iwe. Daabishkoo go-
dak ashowizii-mashkikiwan GOOBID-19
ashowizii-mashkiki daa-inishkaagemagan
ji-dewiziyin, ji-miskozhageyin ji-baagise-
yin gaa-gii-izhi-jiita'og-ooyin, ji-gizhizoyin,
ji-ayekoziyin gaye ji-dewiganeyin gaye gi-
wiiyaasing. Gi-ga-aate-inamanjiw dash
gaawin memwaach ji-andawi'igooyin.

Baamaa gakina awiya gaa-miinind iwe
ashowizii-mashkiki, giyaabi da-inaa-wag
awiyag ji-manaa-aazhoo'idiwaad ji-ma-
naa-nisigoying GOOBID-19.

Owe gidigoomin ji-doodamang:

- Giziininjiin,
- Abin endaayin aakoziimanji'oyin,
- Waawaasa niibawig,
- Aagawiingwepizon gigishkan, gaye
- Aagawi'idizon ososodaman gaye jigiziini-
geyin.

Maamaw,
**gibitinandaa
GOOBID-19
giniking ji-jii-
ta'ogoooyin!**

**Ayaan iwe ashowizii-mash-
kiki ji-bimaaji'idizoyin gaye
gaa-zhawenimadwaa gidinawe-
maaganag gaye gidazhiikewin.**

Ganoosh mino-ayaawin gaa-naaga-
jitood gidazhiikewining giishpin ge-
goon wii-gagwedweyin iwe ashow-
izii-mashkiki onji.



R5-763/2-2021Roj3-PDF 978-0-660-37552-6

Ashowizii-mashkiki ji-on-ji-mino-ayaaying

G: Ningikendaan wewiib e-gii-ozhichi-gaadegin ono ashowizii-mashkikiwan – ganage gaawiin onizhishinziinooon?

Gaawiin iwe gi-daa-inendanziin. Gi-gi-chi-izhisemin wewiib dash gii-wiidan-kiim-idiwag mashkikiwininiwag miziwe akiing gaa-gii-onji-gizhaatabiiwaad.

Niibiwa awiyag gii-ikidowag ji-gojitoowaad ji-minosegwen iwe ashowizii-mashkiki. Mino-ayaawin Gaanada o-gii-ganawaabandaa-naawaan ini ashowizii-mashkikiwan gaye weweni gii-izhichigaaniwan, gaawiin debinaak.

Ini ashowizii-mashkikiwan gii-waabanjigaadewan e-onizhishingin ji-onji-ayaasigwaa iwe GOOBID-19 aakoziwin. Ashowizii-mashkiki godak gaa-inwaadegin daabishkoo meninja'idis gaye booniyoo gii-wiiji'iwemaganoon ji-inaapinesigwaa awiyag.




Mardeen Hill, Iroquois Lodge, Six Nations of the Grand River, e-gii-miinind iwe GOOBID-19 ashowizii-mashkiki.


Miinigooyin iwe ashowizii-mashkiki

Ashowizii-mashkikiwan anokiimaganoon e-nisidawinigaadeg iwe aakoziwin gaye dash egibitinigaadeg. Ishkwaa-miinigooyin iwe ashowizii-mashkiki nawach gi-ga-oke-gibitinaan iwe aakoziwin giishpin megwaashkaman apiich wiin ayaasiwan ashowizii-mashkiki.


 Pfizer gaye Moderna, bezhig nitam miinawaa dash 3-4 dwaate izhiseg.


Gaawiin gwayak wiin-damaawin / Gwayak wiin-damaagewin


 **GAAWIIN GWAYAK WIINDAMAAGEWIN:** Anishinaabeg gagweji'aawag ji-odaapin- amowaad owe mashkiki.


 **GWAYAK WIINDAMAAGEWIN:** Gaawiin Anishinaabeg gagweji'aasiwag ji-ayaawaad iwe ashowizii-mashkiki. Aazha gii-gagwe- jichigaadewan ini ashowizii-mashkikiwan aapiji niibiwa awiyag e-gii-miinindwaa omaa Gaanada Akiing, gaawiin wiin eta anishi- naabeg.

Anishinaabeg nitam miinaawag owe ashow- izii-mashkiki ozaam wiinawaa nawach oke-aakoziwag apiich godak Gaanada Akiing gaa-ayaawaad, wiinawaa dash o-daa-oke-inaapinewag GOOBID-19.

 **GAAWIIN GWAYAK WIINDAMAAGEWIN:** Awiyag ogichi-inishkaagonaawaa GOO- BID-19 ashowizii-mashkiki.

 **GWAYAK WIINDAMAAGEWIN:** Gaawiin. Waawiikaa eta iwe izhisemagan. Gichi-in- endaagwan ji-ganoonad mashkikiwikwe gemaa mashkikiwinini giishpin gegoon gaa-maanishkaakowamban odaanaang.

 **GAAWIIN GWAYAK WIINDAMAAGEWIN:** GOOBID-19 ndaa-ayaan odaapinamaan ashowizii-mashkiki.

 **GWAYAK WIINDAMAAGEWIN:** Gaawiin GOOBID-19 gi-daa-onji-ayaasiin ashow- izii-mashkiki miinigooyin. Ashowizii-mash- kikiwan gaawiin odayaasiinaawaan gaa-bi- maadziimagakin aako-zii-manijooshensag ge-onjiimagakiban iwe aakoziwin.